



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

Epistola Sive Libellvs Contestatorivs Dionysio Comiti oblatus ab iisdem
quadraginta septem episcopis catholicae ecclesiae.

urn:nbn:de:hbz:466:1-15072

ANNO
CHRISTI
335

rum istius rei scrutinium haberi possit. Scitis enim Eusebianos suis futelis curauisse epistolam reddi, quasi a Coluthianis, Meletianis & Arianis contra nos scriptam: neque ignota res est, hostes catholicæ ecclesiæ nihil veri de nobis, sed omnia infesta locuturos. Lex autem Dei inimicum neque testem, neque iudicem esse vult. Reliquum est igitur, ut tamquam in die iudicii rationem redditur, accepta hac nostra protestatione, certique fraudis aduersus nos institutæ, nostrisque precibus mature admoniti, caueatis quidquam contra nos facere, aut Eusebianorum consilium adiuuare: scitis enim (quemadmodum superius diximus) eos nostros inimicos esse, & cur ita pridem Eusebius Cæsariensis odium in nos suscepit. Valere vos optamus, domini desideratissimi. Adamantius episcopus has literas dedi, Ischyras, Ammon, Petrus, Ammonianus, Tyrannus, Taurinus, Serapammon, Æthirion, Harpocration, Moses, Optatus, Arnubion, Saphirion, Apollonius, Arbæthion, Potamon, Paphnutius, Theon, Nonnus, Ariston, Theodorus, Agathamnon, Caius, Pistus, Ætas, Niccon, Pelagius, Theon, Pammitius, Irenæus, Blastammon, Philippus, Apollo, Dioscorus, Timotheus, Diopolitanus, Macarius, Heraclammon, Cronius, Miris, Iacobus, Ariston, Artemidorus, Phinees, Osais, Heraclides.

EPISTOLA SIVE LIBELLUS
CONTESTATORIVS DIONYSIO COMITI
oblatus ab iisdem quadraginta septem episcopis
catholicæ ecclesiæ.

*Episcopi qui Tyri conuenerunt ex parte catholicæ ecclesiæ,
Flauio Dionysio comiti illustrissimo.*

CVM multarum videremus calumniarum confarcinationem, & ex confarcinationibus insidias Eusebii, Narcissi, Flacilli, Theognii, *Maris, Theodori, & Patrophi aduersum nos; quos quia principio detrectantes reiicere non licuit, necessario ad hanc protestationem deuenimus: præsertim cum animaduertamus, multa ad gratiam Meletianorum, multa rursus ad insidias catholicæ ecclesiæ, sub nostris criminibus agitari: necessario ob id quoque libellum hunc tibi porrigimus, cum multis ob-

*Theognidis,

secrationibus, vt Dei metu in animo seruato, qui impe-
rium augustissimi & pientissimi imperatoris Constantini
tuetur, cognitionem causarum nostrarum ipsi augustissi-
mo imperatori reserues. Aequum est enim te ab imperato-
re missum, negotium hoc integrum imperatori retinere.
Quandoquidem tolerare non possumus compositas istas
calumnias, quibus insidiose ab Eusebianis premimur:
ideoque postulamus causam istam pientissimo & religio-
sissimo imperatori reseruari, apud quem licebit & iura
ecclesiarum & nostra proponere. Plane enim confidimus,
eius pietatem, cognitis nostris rationibus, nequaquam
nos condemnaturam esse. Quapropter denuo te obtestam-
ur adiuramusque per omnipotentem Deum, (ita pien-
tissimus imperator per multos annorum recursus cum li-
beris sua pietatis valeat) vt nihil in hoc negotio deinceps
facias, neque tibi indulgeas, vt quidquam contra nos in
Synodo commoueas, sed reserues rei cognitionem eius
pietati.

EPISTOLA SIVE LIBELLVS

CONTESTATORIVS AB ALEXANDRO

Theffalonicensi episcopo oblatus Dionysio comiti.

Domino suo Dionysio Alexander episcopus Theffalonicensis.

C_{LARE} video Athanasio calumnias strui: omnes enim
quos recusauit, nescio quo pacto, illi emittere volue-
runt, nullo nobis eius rei indicio facto. Erat enim decre-
tum, vt consultatio haberetur, quosnam eo amandare o-
porteret. Consule igitur illis, ne quid temere faciant. Ve-
nerunt enim ad me turbidi cum his verbis: Belluas inhon-
ruisse, & in proximo esse vt exilant, eo quod sonitu stre-
pituque consternata sint, audierintque Ioannem nonnullos
emisisse. Vide ergo ne anteuertant, & ita vt velint su-
telas faciant. Nostri porro Colluthianos vna cum Arianis
& Meletianis hostes ecclesiarum esse. Iste nunc inter se ani-
mo calculisque consociati ingentia mala patrare possunt.
Vide igitur quid utile sit, ne quid triste emergat, ne subii-
ciamur obtreccationi, quasi qui nequaquam iuste iudica-
uerimus. Ea autem de illis potissimum suspicio est, ne per-
agratis ecclesiis, quarum episcopi hic sunt, per metum &
yim